

善能動善時夫
持而盈之不知其已滿而動之不可長保金
莫之能守富貴而慙自遺其咎功名遂身退
天之道

載營魄抱一能無離專氣致柔能如嬰兒濔除玄
覽能無疵愛民治國能無為天門開國能為雌
明白四達能無知生之畜之生而不有為而不恃長
而不宰是謂玄德

卅輻共一轂當其無有車之用埴埴以為器當其無
有器之用鑿戶牖以為室當其無有室之用故有
之以為利無之以為用

五色令人目盲五音令人耳聾五味令人口爽馳騁
田獵令人心發狂難得之貨令人行妨

是以聖人為腹不為目故去彼取此

寵辱若驚貴大患若身何謂寵辱寵為下得之
若驚失之若驚是謂寵辱若驚何謂貴大患若
身吾所以有大患者為吾有身及吾無身吾有何
患

故貴以身為天下若可寄天下愛以身為天下若
可託天下視之不見名曰夷聽之不聞名曰希搏之
不得名曰微此三者不可致詰故混而為一其上不
皦其下不昧繩繩不可名復歸於無物是謂無狀
之狀無物之為是謂忽恍迎不見其首隨不見其
後執古之道以御今之有能知古始是謂道紀
古之善為士者微妙玄通深不可識夫唯不可
識故強為之容豫若冬涉川猶若畏四隣蹢躅
若水將擇馭兮其若樸曠兮其若谷渾
兮其若濁孰能濁以靜之徐清孰能以久動之
徐生保此道者不欲盈夫唯不盈故能弊不新
成

致虛極守靜篤萬物並作吾以觀其復夫物
芸芸各復歸其根歸根曰靜靜曰復命復命
曰常知常曰明不知常妄作凶知常容容乃公公乃
王王乃天天乃道道乃久殁身不殆

太上下知有之其次親之其次畏之侮之信不
足有不信猶其貴言功成事遂百姓謂我自然
大道廢有仁義智慧出有大偽六親不和有孝

慈國家昏亂有忠臣

絕聖棄智曰利百倍絕仁棄義曰復孝慈絕巧棄利盜賊無有此三者以爲文不足故令有所屬見素抱樸少私寡欲

絕學無憂唯之與阿相去幾何善之與惡相去何若人之所畏不可不畏荒兮其未央哉衆人熙熙如享太牢如春登臺我獨怕兮其未央如嬰兒之未孩乘乘兮若無所歸衆人皆有餘而我獨若遺我遇人之心也我純純兮俗人昭昭我獨若昏俗人察察我獨悶悶忽若晦寂兮似無所止衆人皆有以我獨頑似鄙我獨異於人而貴求食於母

孔德之容唯道是從道之爲物唯恍唯惚忽兮恍其中有焉恍兮忽其中有物兮冥兮其中有精其精甚真其中有信自古及今其名不去以閱衆甫吾何以知衆甫之迷我以此曲則金柱則直窪則盈弊則新少則得多則惑是以聖人抱一爲天下式不自見故明不自是故彰不自伐故有功不自矜故長夫唯不爭故天下莫能與之爭古之所謂曲則全者豈虛言哉誠全而歸之

希言自然飄風不終朝驟雨不終日孰為此者天
地天地尚不能久而況於人乎故從事於道道者同於
道德者同於德失者同於失同於道者道亦得之
同於德者德亦得之同於失者失亦得之信不足
有不信政者不立跨者不行自見者不明自是者不
彰自伐者無功自矜者不長其於道也曰餘食贅
行物或惡之故有道不憂有物混成先天地生寂
兮寥兮獨立而不改周行而不殆可以爲天下母吾
不知其名字之曰道強爲之名曰大大曰逝逝曰遠
遠曰返故道大天大地大至大域中有四大而至居
其一焉人法地地法天天法道道法自然重爲輕
根靜爲躁君是以君子終日行不離輻重雖有榮
觀燕處超然奈何以萬乘之主而以身輕天下輕
則失臣躁則失君善行無轍迹善言無瑕適善
計不用籌筭善閉無闢鍵而不可開善結無繩約
而不可解是以聖人常善救人故無棄人常善救物
故無棄物是謂襲明
故善人不善人之師不善人善人之資不貴其師
不愛其資雖知大迷是謂要妙

知其雄守其雌為天下谿為天下谿常德不離復歸於嬰兒知其白守其黑為天下式為天下式常德不忒復歸於無極

知其榮守其辱為天下谷為天下常德乃足復歸於樸樸散則為器聖人用之則為官長故大制不割

將欲取天下而為之吾見其不得已天下神器不可為也為者敗之執者失之故物或行或隨或與或強或羸或載或隲是以聖人去甚去奢去泰

以道佐人主者不以兵強天下其事好還師之所處荆棘生焉大軍之後必有凶年故善者果而已不敢以取強果而勿矜果而勿伐果而勿憍果而勿已得是果而勿強物壯則老是謂不道早已

夫佳兵者不祥之器物或惡之故有道者不處君子居則貴左用兵則貴右兵者不祥之器非君子之器不得已而用之恬淡為上勝而不美而美之者是樂殺人夫樂殺人者

不可得志於天下

吉事尚左凶事尚右偏將軍處左上將軍處右言以喪禮處之殺人衆多以悲哀泣之戰勝以喪禮處之

道常無名樸雖小天下不敢臣侯王若能守萬物將自賓天下相合以降甘露人莫之令而自均始制有名名亦

既有夫亦將知止知止所以不殆譬道之在天下猶川谷之與江海

知人者智自知者明勝人者有力自勝者強知是者富強行者有志不失其所者死而不亡者壽

大道汎兮其可左右物萬恃之以生而不辭功成不名有愛養萬物而不為主常無欲可名於小萬物歸之不為主可名於大是以聖人終不為大故能成其大執大象天下往往而不害安平泰樂與頤遇客止道之出口淡乎其無味視之不見聽之不足聞用之不可既

將欲飲之必固張之將欲弱之必固強
之將欲廢之必固興之將欲奪之必固
與之是謂微明柔弱勝剛強諄不可脫
於淵國之利器不可以示人

道常無為而無不為侯王若能守
萬物將自化化而欲作吾將鎮之以無
名之樸無名之樸亦將不欲不欲以
爭天下將自正